

永順縣志

地(0.121)
34
4



四卷

永順縣志 卷之四

湖南永順府永順縣知縣王伯麟重編



風土志

五方之風土不齊民生其間者異俗自昔已然亦天下皆然何獨於永順而異之第永順舊隸土司未沐文治往往因陋就簡所謂居鄉而固於鄉者也近奉設流官脩政立教風景以闢氣象一新若人若物駸駸乎同於內地茲將氣候習俗語言物產撮舉於後使知其同而異亦異而同云志風土

永順縣志

卷四

風土志

氣候

氣候

春深天寒夏中日燥秋初炎蒸冬末溫煖端陽衣單葛重陽加薄絮雪深尺則互凍冬驟雨則雷鳴日出常熱天陰常冷

習俗

永邑民俗短裙椎髻常喜漁獵銅鼓祀神刻木為契土司舊志曰重崗複嶺陡壁懸崖接壤諸崗又連漢地苗土雜居男女垂髻短衣跣足以布勒額喜斑斕色服重耕農男女合作喜漁獵食羶信鬼巫病則無

醫惟椎牛羊師巫擊鼓鈴卜竹筭以祀鬼死則環屍
哭泣且歌終日卽薙無喪服語言侏儻不識文字凡
有誓約以刀畫竹數道爲券婚娶以牛布五穀爲聘
婦女喜垂耳圈兩耳之輪各贅至十餘項圈手圈足
圈以示富散處谿谷所居必擇高峻履險陟嶺捷足
如飛運載食物以背馳之約繩於膊偃僕而行恒帶
刀弩長鎗性強悍猜疑輕生好鬪狠仇殺

李氏曰李諱瑾爲前任永順知縣後凡言李氏同永順隸楚極邊土人漢
人苗民雜處土人十分之四漢人三分苗民亦僅三

永順縣志 卷四 風土志 習俗 二

分漢人居此俗與內地同苗性悍野貪而多疑畜髮
垂髻兩耳帶圈出入佩刀携鎗祀青草鬼刻竹爲契
少不合卽行却殺血誓爲信此苗俗也土民柔懦樸
拙淳直懼官怕訟每歲三月殺白羊擊鼓吹笙以祀
鬼四月十八七月十五夜祀祖九月九日合寨宰牲
祀重陽以報土功十二月二十八日夜祀祖名曰祭
鬼禁聞猶犬聲稼穡而外不事商賈他若疾病不事
醫藥歌喪哭嫁崇巫尚鬼同姓爲婚嫁娶背負男女
淫雜乃其俗之陋者然可取者男耕女織不事奢華

頗有古風云

又曰按舊土司家乘水邑山多田少乃耕火種食以小米糲子爲主稻穀多仰給水定徇大庸所兩處土人淳直畏法無苗人悍惡之風亦無漢人狡詐之習各處所種以小米糲子爲主不甚種稻穀卽種亦不知耘耨之教之耕耘輒欣然聽信子弟姿質亦秀教之讀書其聰穎不遜漢人又知畏敬官長余每以勸課至田間咸羅拜於馬下送茶及酒盤乘熟雞子跪而獻之稍爲飲食乃喜或有事傳呼及期而至其醇

永順縣志

卷四

風土志 習俗

三

良易治非內地所能及也

麟

按永順地方先屬土司世業今值改土歸流以生以食各遂所天其俗淳龐渾噩邇來讀書應試服疇力穡熙熙穰穰雞犬桑麻宛然中土厥性耐寒雖隆冬止衣單布惟婚禮必以牛隻銀布各物爲聘婦婦再醮不候服除同姓爲婚兄納弟妻弟收兄嫂女字於人外家索取骨種銀物每家設火床中置火爐用以炊爨日則男女環坐其上夜則雜卧其間僅令夫婦共被以示區別種種陋習驟難革除

麟

職任民牧

轉移風俗是其專責屢經示禁又復隨時化導亦漸漸更改惟冀後之蒞茲土者共相維持俾去其舊染與內地之民同風一道云又永順各鄉惟功全冲正西英田家羅衣等保係苗人餘俱土人各保沿邊一帶苗人雜處乃土司招徠安插使之捍禦以脩籬籬者俱畏法敬官安靜淳良非連界之鎮箠永綏各處紅苗桀驁難馴者所可同日語也

又按永俗酬神必延辰郡師巫唱演儺戲設儺王男女二神像於上師巫諷咒禮神討筭以卜吉凶至晚

演儺戲敲鑼擊鼓人各紙面有女裝者曰孟姜女男扮者曰范七郎謂七郎沒於王事妻姜女哭之其聲悽慘鄉民聽之至有垂泪者相習爲常不知所自又土俗各寨有擺手堂每歲正月初三至初五六之夜鳴鑼擊鼓男女聚集搖擺發喊名曰擺手蓋被除不祥也六月中早穀初熟炊新米宰牲以獻名曰祭鬼亦民間薦新之意

附錄禁陋習四條

乾隆七年

知縣王伯麟

一禁勒取骨種

永順土人陋習凡姊妹出嫁於人

所生外甥女長成其母舅人等必索取骨種或銀錢布疋或牲畜米穀以贖其慾然後許嫁如或力不能備必準算一女與母舅之子爲婚且不論男女年貌是否相當以致多有男小女大男大女小不相匹配者陋習相沿有乖風化業經本縣示禁在案合再刊示諭禁嗣後除姑舅兩姨姊妹兩家願爲婚姻者仍照例聽其自便外而敢仍踵前轍勒索骨種及準算甥女不論年貌混配已子者着該地保甲牌鄰同文父母據實稟報以憑嚴拿重

懲倘敢知情徇隱察出併究不貸

一 禁違律轉房

律載兄亡收嫂弟亡收弟婦者俱

應絞罪有娶同族兄弟伯叔子姪之妻妾爲妻妾者俱論服制之遠近以定罪名之輕重由杖徒以至絞斬律法何等嚴切乃永順土民向來陋俗每有兄納弟妻弟配兄嫂及婚娶同族兄弟伯叔妻之事名曰轉房總因舊隸土司不聞禮教所致今幸歸流日久此等陋俗自應滌除合行刊示嚴禁嗣後凡屬同族兄弟伯叔子姪妻妾有本夫亡故

者聽其守節或聽改嫁其本族之人無論親疎有無服制俱不得娶爲妻妾如敢仍踵轉房陋俗着該地保正甲長牌鄰人等赴縣首報以憑嚴拿按律治罪倘敢扶同隱匿察出併究不貸

一禁違例爭贖遠年田產 永順未改土之前土司差役繁重田土甚賤有輕價出售者亦有將田土立契給人止與承頂差徭不索其價者今值改土歸流輕徭薄賦以致田土價值日貴奸猾之徒妄思收回故業不云是當非賣卽云原係交付代管

希圖找贖爭佔不遂卽行捏情控告庭訊之下概屬子虛查定例已賣之產契無回贖字樣者不許找贖違者治罪通行在案嗣後除契載回贖字樣定有年限確有實據者聽其脩價取贖如力不能贖許照例憑中公估找貼另立賣契或儘問當主不願找貼聽其別賣歸還原價外其已經售賣契無回贖字樣及失業多年之產毫無憑據者一概不許勒贖索找混行爭佔藉端捏控如違定行嚴拿照例治罪決不寬貸

一禁男女混雜坐卧火床 永順土民之家不設棹
機亦無床榻每家惟設有火床一架安爐竈於火
床之中以爲炊爨之所闔宅男女無論長幼尊卑
日則環坐其上夜則雜卧其間惟各夫婦共被以
示區別卽有外客留宿亦令同卧火床寡廉鮮恥
莫此爲甚現今歸流漸久爾等土民讀書應試俱
與內地無異豈可仍循陋習本縣久經示令改拆
茲因查點烟戶見爾等土家尚未盡改合再刊示
禁除嗣後務須做照內地民俗長幼有序男女有

別不得仍用火床坐卧混雜自喪廉恥如違查出
重責不貸

以上四條仰各處保正甲長牌頭人等逐戶傳
諭一體凜遵禁革以維風化以肅法紀毋得故
違自干咎戾特示

語言

土人稱天曰墨地曰理土亦曰理人曰那上日日磽
月曰舒舒雲曰麥浪翁霧曰所帕風曰熱署大雨曰
墨者細雨曰墨者喧下雪曰舒舒者大山曰卡料小

山曰卡科鼻曰水轍河曰愛路曰喇池曰熊節田曰
夕列格火曰米燒水曰米那土聲炭曰什体各落烘火
曰土烏熱曰古冷曰撒樹曰卡木柴曰卡物竹曰猛
花曰卡帕吃酒曰熱胡吃茶曰臘轍胡吃飯曰只架
行曰喇兒坐曰猛背官曰夸民曰馬那祖曰帕布祖
母曰帕八父曰阿把母曰阿捏伯曰阿取伯娘曰捏
取叔曰阿卑嬸娘曰阿蟻兄曰阿科弟曰阿米姊曰
阿大妹亦曰阿米子曰必媳曰帕女曰必物外祖曰
卡公外祖母曰卡布夫曰那上聲把妻曰那上聲假力閩

永順縣志

卷四

風土志

語言

八

女曰補逐作揖曰戳咱音吧頭曰卡打背頭曰卡打
眼曰落布眉曰落布須加鼻曰甕起面曰骨口曰哲
齒曰是是舌曰亦臘鬚曰喇帕耳曰甕切手曰潔掌
曰潔裡皮胸曰歷科冲灶曰阿拱足曰騎好看曰察
裏察家醜曰奚臘笑曰捏哭曰齊水牛曰苑黃牛曰
切切馬仍曰馬羊曰弱猪曰止狗曰哈裏虎曰力猴
曰額上聲雞曰匝魚曰送音白撒鷺曰歷碗曰切背杯
曰切背箸曰補止鍋曰踏枯桌曰席斨椅曰科椅
櫟曰尖及一日腦聾二曰担聾三曰梭聾四曰惹聾

五日五聾六日驚聾七日泥聾八日節聾九日格聾
十日黑聾一百日那日屋截金日翁可銀日我銅仍
日銅鐵日寫錫日言鹽日臘布油日設是醋日奚扯
穀日力布米日哲肉日實帽日毛衣日西八袴日枯
被日夕納鞋日戳歇襪仍日襪扣子日西八布插帶
子曰麥肉臘欠債日拖書日赤讀書日赤禿寫字日
赤赤鴨活日赧跛大死日救胡說話日煞力相打日
打偕青日浪夾藍日信夾紅日米納節黃仍日黃白
日阿使綠仍日綠不知日哈太睡日列起日住

永順縣志

卷四

風土志

語言

九

麟按土人言語呢喃難辨近開闢漸久能道官音者十有五六麟履任來復遵憲檄開義館選師儒勤訓迪兼諭各鄉保隨時導引一切語言必照內地並舊時陋習盡為革除雖一齊衆楚驟難改變而前唱後和猶可轉移附記于此以見化導之權仍在上也

物產

穀米類

稻 黍 麥 蕎 菽 梁 秫 芝蔴 糲子

蔬菜類

白菜 蘿葡紅白二種 苦蕒 苘蒿 萵苣 油菜

甜瓜 芥 莧 茄 笋 葱 蒜 韭 薤

荳莢 薑 蕨 瓜

果類

桃 李 梅 梨 杏 柿 柑 橘 棗 白果
枇杷 楊梅 櫻桃 石榴 栗子 葡萄 郁李
木瓜 胡桃 芋薺 菱 藕

花類

蘭 菊 紫薇 薔薇 芙蓉 雞冠 金鳳
玉簪 紫荊 山茶 木槿 芍藥 龍瓜 粉團
梔子 牡丹 百合 艷山紅 剪春 蘿 茉莉

永順縣志

卷四

風土志 物產

十

月月紅 海棠 葵花 地棠 綉練 金錢
扁竹花 金銀花

草類

通草 鳳尾 芭蕉 馬鞭 益母 浮萍 香草
艾 蘆 藍 蓼 蘋 蒲 艷容草

木類

松 栢 楓 槐 杉 柳 楊 桑 楠 椿
樟 桐 檀 榆 黃楊 皂莢 楮 棕

竹類

熊 獐 鹿 兔 鹿 狸 猴 野牛 野猪
豺 狼 獺

布帛類

土綢 土布 麻布 絲被 土綾 斑布 洞巾

雜貨類

黃蠟 桐油 蜂蜜 紫草 皮紙 棉花 葛茶
靛 絲 木耳 鐵 炭 石灰 洞酒

藝文志

文以華國亦以徵心昔之賢者其人已往其事業治功亦不能親見獨賴其文著於簡篇垂諸後世使讀其書者景仰企慕以興起而效法焉所謂不朽有三言其一也永順初闢地文人學士固將有待前縣創志以改土時牌檄詳文同碑記詩草列入藝文竊謂檄詳旣非藝文比且檄詳之事旣以脩載志內各條無庸重見矣故擇其必當載者附叙入以前條項內餘俱節刪而碑記詩歌仍沿其舊有新得可採者亦

永順縣志

卷四

藝文志

十三

增入焉至銅柱碑文暨土司舊志亦附于後用脩叅觀志藝文

記

新建永順府城垣記

知縣 李 璜

永順占荒服之地舊隸土官宣慰司統三知州六長官司治之本朝設流官同知副將各一員彈壓其地皆負險而居未有城郭雍正六年原宣慰司現任叅將世襲拖沙喇哈番彭肇槐輸誠獻土

皇上

准其請勅部行督撫議奏於是議改永順司為永順府

以永順縣附郭分設龍山縣其保靖桑植皆設縣屬永順管轄所設員缺皆就近簡選調補而辰府憲袁

永順縣志

卷四

藝文志記

十四

廉能素著遂調守永順時瑾任沅陵深愧德涼濫膺民社乃以附近永疆亦謬蒙各上憲簡調疏入荷

恩旨俞允到任之日

詔發帑金建立城池先是

巡察御史唐

勘邊至永以

猛洞之地曠濶平陽宜建城垣先行摺奏 巡撫都

院趙 安輯六里率同文武等親臨相視會以為可

指示建設事宜以瑾為附郭首邑檄令董治其事適

有吏書姚惟孝陰陽學陳紹堯皆善堪輿隨同登山

尋龍始知此地自湖北八面山起祖歷容美桑植至

永順由武當山之東復折而西蜿蜒起伏至永順結
玉屏開帳頓起觀音山層巒疊嶂落脉平陽結茲城
局而左右隨龍之水直會於城局之南流出辰方且
東則飛霞諸山龍勢飛舞西有掛榜諸山如倉庫如
旗幡南則文星羅列水口完固果天然一都會之地
千百年藏閔於此今蒙

皇上

聖德神功度越千古始開建茲地創造城垣山明水
秀煥發於光天化日之中固斯民出草昧而遊雍熙
之幸亦斯地開混沌而入文明之會也任是役者敢

永順縣志

卷四

藝文志記

十五

不矢公矢慎以奏乃績然受事之始初不知土性多
砂惟兢兢以物力維艱冒破國帑爲念請官莊以
易民田剪荆棘而平溝阱審視量度命匠估計佈城
五里三分圍長九百五十四丈高一丈九尺內外入
土三尺用石墊底出土石砌三尺土築一丈三尺又
加女牆三尺東西南北設五門又設四水門城之
上設五樓一十四砲樓一百八十堞口估計土城詳
憲咨部議先發項興工孰知經營伊始各廟宇衙
署所建垣牆隨築隨圯始知苗土砂多未可以垂永

遠與其於事後而受培補之累不若於先事而爲一
勞永逸之計爰請命於 府憲躊躇會計遂以改建
石城具詳除動用帑項外有不敷郡邑願捐養廉蒙
各憲允准於是鳩合將作則有若攻石之工攻木之
工攻鐵之工搏埴之工設邑之工皆聞風踵至分辦
人役則有若董代石者董陶甃與聖者董甃築者董
采運木料者皆奔走趨事加屋以宿工匠則其用五
十有餘間脩石以砌外城則其用八萬四千二百一
十塊有奇丁石以橫鉗則其用四萬六千八百塊有

奇大石以作靠則其用四萬八千三百六十塊有奇
內城純用荒石以壘築則其用五萬四千五百一十
塊有奇中用鶩石土泥灰築以實腹則其用二千一
百九十四兩五錢有奇頂用石板以蓋面則其用一
千三百四十六兩有奇至於紮甃以成甍濡塋以甃
甃錘鐵以護重門需材以爲板築爲樓榭爲車輪爲
闔扉爲磚模爲鞏架人工飯食費用浩繁他若開山
有奠肇基有祀架梁有祀脩橋運載以及廩給犒賞
正食優卹之類備載籍中者又不一而足統計經費

除國帑照原估冊奏報外所有零用 府憲捐銀三千兩瑾亦捐養廉銀九百九十二兩經始於壬子之春落成於癸丑之夏不踰年而猛洞非復曩時之景象矣金湯在望磐石永奠樓閣崢嶸烟火稠密落成之日諸父老僉謂余躬親勞苦是宜有記以垂來禋殊不知此皆我

皇上至仁遠被山川効靈

各上憲籌畫周詳 府憲躬

親指授故荒陬遠徼頓成都邑而瑾以菲材謬司其役得附名以垂不朽亦已幸矣夫何敢自以為功乎

永順縣志

卷四

藝文志 記

七

是為記

新建永順縣文廟碑記

知縣 李 瑾

天下郡邑莫不立學校建宮牆以祀

先師孔子今永順新設郡縣奉

詔旨發帑金築城垣脩學校議於府學外並建縣學遵

郡尊袁府憲指示度地於城之東北隅背坎面離山明水秀天光煥發地德葱蔚卜吉興工中為大成殿東西為兩廡前為大成門又前為櫺星門門之內鑿泮池立園橋外豎照牆左右為德配天地道貫古今

坊大成門右爲鄉賢祠左名宦祠左之上爲崇聖宮前爲明倫堂門牆具備皆照依內地制度崇宏堅固以肅觀瞻落成之日恭行祀事伏惟

先師孔子爲萬世帝王師歷代尊崇奉祀惟謹

本朝尊儒重道典禮之隆逾於往古我

皇上聖學天縱道統淵源接乎洙泗

詔發帑金脩闕里聖廟巍峩壯麗爲從來所未有上梁之日輒感慶雲之瑞大工旣竣復

命皇子親詣曲阜釋奠行禮又

永順縣志

卷四

藝文志記

六

詔脩園陵牆垣增置廟中執事人員復通行直省各州縣以時脩理載入交盤冊內蓋欲天下之大俊良之士遊聖人之門學聖人之道觀感興起以共奮於文明之中也况今日造士選士不一其途歲科兩試專拔正才鄉會兩闈務求實學又有選拔之典有廣額加額之恩有賢良方正之科有博學宏詞之試闕門額俊立賢無方較之虞商二代不已駕乎其上哉永順舊隸土司今

皇上鑒彭姓獻土之誠興建學校奉祀

先聖先賢安妥神靈佑啟文教此爾士民千載一時也爲
士民者正宜父教其子兄教其弟勤學乎論學庸孟
之旨專精乎易禮詩書之學究其廣大精微之蘊攻
其規矩準繩之文且明乎人倫脩乎德行探乎性理
博乎史鑑以應學臣之試以入鄉薦之闈則由此而
採芹香由此而歌鹿鳴由此而捷杏苑內之入詞林
步玉堂金馬外之膺宰牧綰墨綬銅章彬彬乎郁郁
乎可與中州頡頏矣不寧惟是永順山水靈秀人物
子弟固多雋異之質而永定衛地氣清嘉素有讀書

永順縣志

卷四

藝文志 記

十九

能文之士沉鬱既久則其發舒也必長今文明蔚興
傑人連茹而起竝見奇偉之彥接踵而上闕廷忠良
之英比肩而立禁闈功勒鍾鼎名著旂常使後世之
人屈指而數之曰某某名臣某某碩輔毓於學校自
某年月日建學始則今日承乏者不且與有榮施哉
爾士民勉之余將拭目望之矣謹記

新建關帝廟碑記

知縣 李 瑩

國之大事者在祀典永順新建城池工作並興
郡尊袁府憲指示於朝陽門之正東恭建

關帝神祠坐艮向坤山水映帶英靈之氣鬱鬱葱葱商之
協臺王公僉以爲可於是陬日鳩工身親督率務在
崇宏堅緻以妥神靈以肅觀瞻經始於雍正十年二
月十二日落成於雍正十一年九月二十日中建大
殿五楹塑

聖像旁列左右侍衛兩廡各三楹繪

帝生前聖蹟六十圖重門外建戲臺一座大門內塑赤兔
神馬并御馬者俾士人望之凜然如生起其敬畏後
建祠三楹奉

永順縣志

卷四

藝文志記

三

聖帝三代木主廊廡門樓森然具備爰請 府憲協臺同
文武僚屬焚香酌禮割牲奠帛恭行祀事一時官庄
吏役父老子弟肅恭瞻拜莫不同聲贊嘆謂茲地之
有此祠自今日始殿宇巍峩鳥革翬飛風馬雲車神
威肅穆求民長受其祉皆守令之賜也余謂

孔子之爲聖乃生民所未有

關帝之爲神亦生民所未有也生膺侯爵而歷代崇封由
王而帝位號巍然廟祀通天下自王公學士以及愚
夫愚婦莫不凜然敬奉戴若尊親我朝尤加尊禮

三代世襲五經博士京師廟宇易以黃瓦春秋祀典
詔直省郡縣一體遵行享祀之盛幾媿美尼山矣蓋

聖帝忠義神武佐

天翊運無一日不周行於海嶽之間無一息不感通於民
物之表忠良正直則匡扶而安全之奸頑乖沴則遏
抑而殄滅之直欲九州之大萬國之遠一民一物無
不各得其所所以德與

天參曠古獨隆也夫

天之心體萬物而不遺人心中各有一日明日且之誠

永順縣志

卷四

藝文志記

三

帝之神周萬化而無間人心中亦各有一惟糾惟虔之念
故

帝之降鑒惟鑒乎其心人之昭事亦當事之以心非徒曰
入廟致敬已也惟茲永順蒙

聖天子仁恩普被易山巒草昧之習爲聲名文物之邦封
疆各上憲郡守率邑令諸員咸欽奉

恩旨輕徭薄賦休養教誨以輯寧爾父老子弟飲和食德
熙熙皞皞同於中土今奉

詔動帑首建祠宇虔禮

大神爲爾民請福祈年凡我父老子弟當念

皇上之恩同於覆載 上憲之德隆於顧復

神靈之威嚴於指視忠孝友悌以立身慈惠敦睦以善俗

服勤力穡以供賦稅誦詩讀書以爲國華則心與神

合神必祐之富壽康寧之福集於爾身蕃衍昌熾之

庥及於爾子孫豈不美哉豈不幸哉否則行負神明

神降之罰守令雖欲爲民請命不可得也於時父老

子弟各稽首聽命唯唯而退遂勒此於碑永爲警戒

焉再有祠不可無田今置官田坐落瑕畝歲收租穀

永順縣志

卷四

藝文志 記

三

該若干石付守祠者經理其事除養贍外其餘並作

香火之資脩理之費今將田畝坐落坵畝並收租數

目勒之碑陰以垂不朽云謹記

田畝詳祀典

新建永順縣城隍廟碑記

知縣

李瑾

自京師以及各直省所在城邑皆建立

城隍神祠蓋城池隍土必有神以司之其神皆生有功

德於民歿爲明神受

上帝勅命來掌一邦之陰教國家褒崇以時享祀爲民禔

祈年歷代相沿載在典制彰彰可考也我

皇上心涵太極道協兩儀媿五帝而邁三王萬世莫加焉而敬

天事神無所不致其謹著為成例令天下郡邑脩理

城隍祠宇載入交盤冊內典至渥也今新闢永順

詔發帑金建設城池興脩祠宇縣隍祠卜建於城之東南

隅甃石庀材工築並興經始於雍正十年十月十二

日落成於雍正十一年二月二十日前奉 部文惟

立木主今於木主外復塑

城隍神像並左右鬼判兩廡塑十二案曹官屬等後殿

永順縣志

卷四

藝文志 記

三

三楹塑寢宮像外三楹祀 衛房聖母蓋土人冥然

無識故體神道設教之意使之見像而懼生其為善

作福之心也廟像既設爰諏吉日恭脩牲醴昭告於

大神之前惟茲永順新闢疆宇陰陽雖殊職守則一知

縣愚昧無識謬膺斯土自揣德薄才疎欽承

皇上撫綏化誨之諭旨暨

督撫 司道

郡公各上憲指示教訓之親切籍戶口定

疆界脩濼河開道路建橋梁平訟獄課耕稼興學校

矢此繡白之衷以勤以慎不敢怠忽因循期為斯民

除百年之苛政沐今日之

新恩然皆循分供職並無奇績異政被我嘉師惟爾

大神以聰明正直之德列文武聖神之班呼吸元功陶

鑄羣品既受

帝勅同掌邦政凡國計民生諸大事有利所當興而更未

能興害所當除而更未能除者所垂

顯佑默啟愚衷若夫山林魍魎之呼嘯灘河鬼怪之出

沒虎豹豺狼之往來以及淫風怪雨之時作旱乾水

溢之不常則

未順縣志

卷四

藝文志記

三

神之所司尤異大彰靈鑒消患於未萌弭災於俄頃以

副

帝勅以佐

皇朝俾茲下民世受其祉明禋之報凶其有極於是再拜

致祝恍惚之中倏然愾然若有見焉若有聞焉洋洋

乎如在上上如在其左右則

神之昭鑒不與也再有祠必有田今置田坐落坵墩畝

數付守祠之僧入除養贍外餘作香火之資用刊碑

陰以垂不朽云謹記

山誌詳祀典

桂香書院記 院卽文昌祠

知縣 李 瑾

文廟旣成爰於廟右捐建

文昌帝君祠題曰桂香書院曷爲乎以桂香名也桂香
毀者

帝君之所居故建祠之所亦曰桂香也建祠也曷爲曰
書院將延師聚徒講習於其中也蓋匡斗六星爲文
昌之宿掌天文章之府而

帝君以台斗星精生於周宣王時積功累行以孝友同
尹吉甫懋建明德其歿也神歸星府職司文昌凡天

末順縣志

卷四

藝文志記

三五

天科名嗣祿咸屬職掌且歷代行化飛鸞闡教諄諄
然以忠孝仁義正人心而維世教其教人也先德行
而後文章科名嗣祿先後黜陟昭然不爽從來讀書
之士敬信佩服書冊所載可考而知也昔我先王父
雲溪公幼讀書於徵陽城北鳳翔寺之文昌宮晨夕
敬事久之夢

帝君召至座前自引左手刺右手指出血令王父吮之
吮訖驚覺心神開朗讀書數行並下遂博極羣籍於
五經性理史鑑諸子百家無不歷覽殆遍後來登賢

書自司鐸歷官巡撫凡建言敷政救災恤患錫福黎元報効

朝廷皆若對越於

帝君之前遵體弗懈至作撫楚南時誠諭再三瑾敬誌弗敢忘前任沅陵立

帝君像於城之西今新闢永順建祠設像以伸瞻仰尤念天下直省郡邑莫不設立書院以興賢育才今神祠既建將進茲地俊良之士隸業其中遊桂香之院侍

永順縣志

卷四

藝文志

記

二十六

帝君之側以讀書而向學則其觀感也倍速其成就更遠且大故題曰桂香書院所以遵祖訓而彰神靈也第書院之設非徒務乎其名也入其中者當念聖人之教首在明倫而務本

帝君以神道設教首在崇德行而立陰功本此以爲學則著爲文章可以鼓吹休明見諸事業可以潤澤治化於以登桂院而步金門是乃先王父垂誠之心余今日所以捐建之意也多士其敬聽之哉

復溪州銅柱記 後晉

天策上將軍江南諸道都統楚王馬希範立
金紫光祿大夫檢校兵部尚書使持節溪州諸軍事
溪州刺史兼御史大夫上柱國長沙縣開國伯食邑
九伯戶五溪都團練史彭儒

天策府學士江南諸道都統掌書記通議大夫檢校
尚書左僕射兼御史大夫上柱國賜紫金魚袋李弘
舉撰

粵以天福五年歲在庚子夏五月楚王召天策府學
士李弘舉謂曰我烈祖昭靈王漢建武十八年平徵

求順縣志

卷四

藝文志 記

七

側於龍編樹銅柱於象浦其銘曰金人汗出鐵馬蹄
堅子孫相連九九百年是知吾祖宗之慶胤緒綿遠
則九九百年之運昌於南夏者乎今五溪初寧羣帥
內附古者天子銘德諸侯計功大夫稱代必有刊勒
垂諸簡編將立標題式昭恩信敢繼前列為吾紀焉
弘舉承教濡毫載敘厥事蓋聞犴接境盤瓠遺風
因六子以分居入五溪而聚族上古以為要服中古
漸爾羈縻洎帥號精夫相名婁氏精夫相呼為婁徒漢則宋
均置吏稍靜溪山唐則楊思興師遂開辰錦邇來

右時恣陸梁去就任心否臧由己溪州彭士愁世傳
郡印家愬州兵布惠立威識思知勸故能歷三四代
長千萬夫非德教之所加豈簡書而可畏亦無辜於
大國亦不虐於小民多自生知因而善處無何忽乘
間隙隙古隙字俄至動搖我王每示含弘嘗加姑息漸爲
邊患深入郊圻剽掠耕桑侵暴辰澧疆吏告逼郡人
失寧作萌作孽之心偶昧戢兵之法知縱火果至自
焚時

晉天子肇創丕基倚注雄德以

永順縣志

卷四

藝文志記

三

文皇帝之徽號繼武穆王之令謨冊命我王開天
策府天人降止脩物在庭方振聲明又當昭泰眷言
僻陋可俟綏懷而邊鄙上言各請効命王乃以靜江
王指揮使劉勅率諸部將付以偏師鉦鼓之聲震動
谿谷彼乃弁州保險結寨憑高唯有鳥飛謂無人到
而劉勅虔遵廟算密運神機跨壑披崖臨危下瞰梯
衝旣合水泉無汲引之門樵採莫通糧糗乏轉輸之
路固其衿甲豈暇投戈彭師杲爲父輸誠東身納款
我王愍其通變爰降招携崇侯感德以歸周孟獲畏

威而事蜀 王曰古者叛而伐之服而柔之不奪其財不貪其土前王典故後代誓龜吾伐叛懷柔敢無師古奪財貪地實所不爲乃依前奏授彭士愁溪州刺史就加檢校大保諸子將使咸復職員錫賚有差俾安其土仍頒廩粟大賑貧民乃遷州城於平岸溪之下將佐銜恩向化請立柱以誓焉於戲

王者之師貴謀賤戰兵不染鏑士無告勞肅清五溪震讐百越衣平疆理保久邦家爾宜無擾耕桑無焚廬舍無害樵牧無阻川塗勿矜激灑飛湍勿恃懸崖

永順縣志

卷四

藝文志 記

三

絕壁荷君親之厚施我不徵求感天地之至仁爾懷寧撫苟違誠誓是昧神祇垂於子孫庇爾族類鐵碑可立敢忘賢哲之蹤銅柱堪銘願奉祖宗之德 弘舉

仰遵王命謹作頌焉其詞曰昭靈鑄柱垂英烈子執干戈征百越我王鑄柱庇黔黎指畫風雷開五溪五溪之險不足恃我族爭登若平地五溪之衆不足憑我師輕躡如春水溪人畏威仍感惠納質歸盟求立誓誓山川兮告鬼神保子孫兮千萬春 推誠奉節弘義功臣天策府都尉武安軍節度副使判內外諸

司事永州團練使光祿大夫檢校太傅使持節永州諸軍事行永州刺史兼御史大夫上柱國扶風縣開國侯食邑一千戶馬希廣奉教監臨鑄造天福五年正月十九日溪州刺史彭士愁與五姓歸盟眾具件狀飲血求誓楚王畧其詞鑄於柱之一隅

右據狀溪州靜邊都自古以來代無違背天福四年九月蒙王庭發軍收討不順之人當都願將本管諸團百姓軍人及父祖本分田場土產歸蒙王化當州大鄉三亭兩縣若無稅課歸順之後請祇依舊額供

永順縣志

卷四

藝文志記

三

輸不許管界團保軍人百姓亂入諸州四界劫掠該盜逃走戶人凡是王庭差網收買溪貨并都幕採伐土產不許輒有庇占其五姓主首州縣職掌有罪本都申上科懲如別無罪名請不降官軍攻討若有違誓約其請准前差發大軍誅伐一心歸順王化永事明廷上對三十三天明神下將宣祇爲證者王曰爾能恭順我無科徭本州賦租自爲供贍本都兵士亦不抽差永無金革之虞克保耕桑之業皇天后土山川鬼神吾之推誠可以立鑒

銅柱高一丈二尺內入地六尺重五千觔並石蓮花
臺及下有石頰

大晉天福五年歲次庚子七月甲子朔十八日辛巳
鑄八月甲午朔九日壬寅鑄十二月壬辰朔二十日

辛亥立

麟按歐陽文忠公著五代史謂溪州刺史彭士然
率諸蠻攻澧州焉希範遣劉勅等擊之敗走獎州
遣其子師曷率諸蠻酋降希範乃立銅柱為表命
學士李舉銘云云宋馬端臨著文獻通考亦以為
彭士然今按銅柱鑄彭士愁而土司宗圖亦載士
愁而非士然及開土司舊志乃知土愁改名士然
歐馬二公非無據也或以為士愁則訛矣又撰銘
者為李弘臯鑄刻現據非李臯也

詩歌

國朝

北河行

雲南舉人

許鑑衡 字源

天下灘河稱奇險川陝閩江未曾見鎮遠沅州至辰
路難今春乘舟過顛石反遜辰河多危灘詎自辰州
上北河河勢漸高如登坡初經虎口石搓枿昔年馬
王不敢過鳳灘三叠險無比茨灘鬼灘石齒齒蛟龍
怒噴雪浪濤雪花激射百尺高野鬼吹風草木號
鼉躡坐氣何驕舟人扛舟入港口行人捨舟靠石走

永順縣志

卷四

藝文志

詩歌

三

攀蘿緣崖如猿狖眼望驚灘怯回首行行趨拜伏波
祠下灘船皆如箭馳舟楫沒出浪波間水濺竹蓬濕
淋漓我謂北河之險險如此人胡為乎同至止舟子
語客勿相驚先時勢若浩縱橫自從土官獻土築邊
城

詔發帑金疏通河路平令尹賢且才巡督河之隈鑿去怪

石數百堆何懼灘聲響若雷吾儕河上日徘徊不聞

帆傾與楫催

銅柱歌

會溪山水鬱嵯峩巍然銅柱立山坡聞昔馬王據辰
州界分漢土鎮山河山河變幻幾千春荒陬一柱何
嶙峋弘臯銘辭捫可識信知呵護有鬼神當年鑄此
威蠻疆而今蠻土列冠裳猶令往來舟上客太甚英
風未渺茫

舟至王村

前人

舟過溪灣無浪痕晚烟飄緲見王村東西岸岸環茅
屋崖嶂層層列市門宵聽隣船呼酒劇晚聞山寺讀
書喧遠來最愛民風美明到新疆可細論

永順縣志

卷四

藝文志 詩歌

三

永順八景

玉屏煥彩

前人

混沌開闢此山川誰置玉屏倚青天東西南山擁儀
仗千岩萬壑飛紫烟

聖主當陽開郡縣邊疆草木皆葱蒨樓臺璀璨雉堞雄屏
開煥彩開生面千家烟火望中新衢巷時有咏歌人
龔黃卓魯接踵至會見郊原遊鳳麟

文峯擁秀

猛崗之南有三峰中峰高聳插木空兩邊拔秀出雲

表儼如簇簇青芙蓉位駐南離森相向奎章應煥三
古上如何草昧千百年至今乃見文明狀山水之應
古無訛高城見立瑞光多從茲鍾毓多賢俊珥筆鳳
沼鳴玉珂

榜岫雲晴

朝來攬秀向西山白雲飛到忽迷漫日霽清風吹岩
岫朗朗山容披翠環茲山人共稱天榜混沌生來酷
相彷彿非盛朝開邊徼連峯排漢誰來賞山呈榜
字掛晴暉似有丹文映紫微他日南宮聽臚唱還看

永順縣志

卷四

藝文志

詩歌

三

鄉雲五色飛

福嶺霞蒸

福德山擁郡城東翠削芙蓉插太空朝來宿霧霾雲
嶂晚霽明霞鬱葱龍山畔周遭結茅屋或耕或漁或
樵牧近來桃花竹樹裏讀書吟咏滿空谷白髮披頭
數老叟舊同司官効奔走自言生長八十餘今得嬉
然酌斗酒

雙溪夜月

永順之城夾雙溪溪流委宛淨無泥清夜碧空無纖

翳忽看寶鏡涵東西東城練影披樓閣西城燦爛亦
相若銀河耿耿度雲外交光上下射簾幙梅花晴雪
點溪灣萬里春來霄漢間主人深夜勸春酌憑將溪
月照酡顏

龍洞朝雲

遙指飛霞山之半古洞玲瓏岩石畔千年住有老神
龍頭角深潛不可見朝看洞口白雲外知是蟠鱗上
碧峰須臾雷電響幽谷風伯雨師競相從濛濛霑灑
遍郊原土人歡呼惠澤繁會須爲霖在天下蒼生涵

永順縣志

卷四

藝文志 詩歌

三五

濡感勿諉

河港溫泉

南河河港瀉溫泉千百年來名不傳令尹乘舟過其
下煖氣騰騰飛紫烟停漿探之手可掬肌膚著水白
如玉惜哉無處構亭臺帳幔慢爲作石邊屋吾滇溫泉
出螳螂稱爲天下第一湯此泉清澄能相似披襟忘
却是他鄉

連橋新市

瞥見江城如畫裏更喜雙橋落彩虹行人緩控紫騮

馬橋亭香霧散春風倚欄商市相攢簇土巾三錦光
耀目亦有客來江左右越綾吳紵堆茅屋夜深燈火
照江頭父老啣盃笑盈眸共言此地再十載不亞辰
州與沅州

玉屏煥彩

雲南拔貢 徐純仁 錫公

荒陬開大郡形勝亦奇哉平地玉屏擁遠山雙水來
珠樓依碧嶂翠館除蕪萊曉日曛曉起光彩慶昭回
文峯擁秀

城隅分二水江外擁三山棟漢撐天柱拂空列翠鬢

永順縣志

卷四

藝文志 詩歌

三

筆搖星斗上墨潑榔溪灣應有高才輩敷文殿陸閭
龍洞朝雲

霞嶺藏深洞何年卧老龍朝飛雲一片眼見兩千峯
葱菑溪州草歡歌石戶農會須陳惠澤同受

聖朝封

連橋新市

最愛城東郭沿溪橋復橋層樓開碧水紅影落青霄
客集舟車遠貨通吳越遙往來稱樂國皞皞托熙朝
玉屏煥彩

邑令 李 瑾

北峰千疊似鸞停誰向峰頭列玉屏日麗瑤光開岫
翠雪晴素靄漾天青五門城郭雲中見萬里謳歌域
外聽共慶

皇仁開遠微競揮綵筆紀山靈

文峯擁翠

新闢高城倚北極仰看玉笋擁南離雲晴翠岫縈青
靄雨霽連峯桂紫霓筆勢欲凌星漢表奎章應照鳳
凰池地靈有待鍾人傑蔚起文明應在茲

榜岫雲晴

永順縣志

卷四

藝文志

詩歌

三七

筆立西山勢若屯儼如蓋榜桂天門宵分霧鎖峯微
見晨霽雲暗翠可捫石上疑存蝌蚪字岡頭恍見虎
龍痕從茲闢地開文運鎖院題名上

帝閭

福嶺霞蒸

東向巍然福祿山蒼龍騰躍復廻環凌晨霞湧浮銀
幌鎮日曦明擁翠鬢紫氣葱蘢青漢外晴光罨藹綠
楊灣夕陽嶺下人歌咏樂國新開任往還
龍洞朝雲

飛霞山半洞玲瓏洞裏何年住老龍朝吐寸雲飄上
界刻施甘雨灑諸峯雷聲過處烟千縷虹彩飛來翠
幾重若教爲霖敷下土九州歌咏遍三農

雙溪夜月

東西郭外夾溪流二水溶溶瀉碧湫一派波光搖素
練幾重蟾影盪銀毬雪翻石嶼羣鷗靜翠滌烟林古
木秋夜靜浮槎吹鐵笛蘆花岸似鳳麟洲

河港溫泉

雙水溶溶注北河欣看河港沸溫波誰將玉鼎燒靈

永順縣志

卷四

藝文志 詩歌

三

碧常瀉金漿煮石蘿域外華清塵跡少江間雪乳妙
香多幾回浴罷臨流坐把酒呼朋共放歌

連橋新市

江流叠疊注城東連築橋梁曳彩虹亭榭參差烟雨
外市塵掩映水波中叟童歌咏千村集商賈嬉遊百
貨通忽憶輶車來猛崗荒田野水望迷朦

靈溪十景

照土司舊志摘錄
朝代未詳

福石喬木

森森喬木武侯祠培植全憑雨露私陰蓋柳營應闕

地根連銅柱自當時日中解走龍蛇影霜後難雕虎
豹姿入眼總誇廊廟具掄才端合問工師

又

周惠疇字寶卿

長松矯上栢森上交翠亭前匝地陰一徑莓苔青印
屐四簷風露冷沾襟摘花送酒春長在對鶴吟詩暑
不侵乘興登臨吟眺處數聲啼鳥晝沉上

雅意甘泉

九成宮中湧仙醴清冷遠在金山寺平泉宰相善評
騶遣使乘舟渡楊子我生好奇無與比仗策空山訪

永順縣志

卷四

藝文志 詩歌

三元

清泚香沁入口煩暑蠲令人却憶置郵傳

又

唐寅 解元

山川浮雲即渺茫山間流水玉輝光千尋百練懸崖
落一道銀河到海長和月掬來還有影帶花汲去豈
無香隨流好入華陽洞莫向天台問院郎

繡屏拱座

文澍

五老峯前錦繡峯天風吹落靈溪口由來造化妙莫
測能使山川自奔走光風轉蕙萬木榮百花搖映溪
水明幽人憑几看不厭隔林黃鳥時嚶上

又

周惠疇

堆青疊翠萬千重秀拔廬山五老峰海上屏開金孔
雀屋西簾捲玉芙蓉竹間月轉篩花影松徑苔深印
鶴蹤明說仙都風景異何由縮地一相從

玉笋參天

辰陽張明千戶

誰植琅玕在太空巋然屹立倚崆峒鐵錐倒卓撐銀
漢冰柱移來插玉峰貞固肯教風雨壞侵凌不許蘇
苔封聖朝久托為梁棟萬古擎天永賴功

又

古峰孫禎

永順縣志

卷四

藝文志 詩歌

四

北窓延好指修篁枝葉蕭疎壁立長疑是殘虹懸漢
碧不然神劍倚空蒼此時傍石君還愛他日中流我
自將夜陟危樓成想像老人扶杖五雲鄉

石橋仙渡

華亭顧清編修

雲根一片落前洲曾是仙人玉斧修絕岸巧通芳徑
去細波長共遠山浮苔文想像空飛鳥樹影參差壑
駕舟聞道石欄容點筆凌風我欲試清遊

又

陳珂

古橋結構不知年此地猶聞說地仙車下任題司馬

筆海東堪笑，龍鞭源頭雨。過長虹，偃水面風清。片月懸廬獄，三梁是何處。只應從躡此雲巔。

翠窻晴嵐

許寬 千戶

蒼碧崖前展幕輕，初看略約漸分明。映霞不作朝雲態，曠日微含暮靄晴。濃著薜蘿青欲滴，淺籠峯嶂翠堪傾。雖然亦是山川氣，難會靈氛變化清。

又

李靳 知縣

萬仞崔巍壁立山，個中風景別人間。虛涵浩氣春恒在，靜閉塵囂夜不關。月華凝翠靄雲蘿，紛繞帶

永順縣志

卷四

藝文志 詩歌

四

蒼顏何年得入靈溪境，吟對樽前看意看。

羊峯毓秀

譚玉瑞 司副

疊上東來擁翠巒，一峰羊肖此中蟠。左慈漫向人前化，蘇武偏宜雪裡看。風動雙尖宜觸角，雲歸六合若爲欄。無端淑氣鍾邦彥，寶藏斯興盡等閒。

又

許節 知府

排闥山巒擁翠圍，天芳喬秀奪天機。晴開樹杪千巖碧，淡抹峯腰斜日輝。瑞氣烟光雲卷畫，藤蔓苔古石生衣。尋詩幾欲添豪放，啼鳥連聲青嶂飛。

龍洞鍾靈

虬蟠此洞肇何年曾鼓雄濤列海邊千里高原覃雨露半溪暝色抹風烟可令文字同盤谷誰使丹青獨輞川幾度醉遊明月夜滿天清逼賞心舷

又

凌雲安佑

百尺潛蛟石眼深崢嶸勢底奏泉琴巨靈是有騰雲像雄抱寧無澤物心幻說共猜羊鬼跡活源誰識古今音何當載酒尋遊遍斷送詩情仔細吟

榔溪夜月

周惠疇

永順縣志

卷四

藝文志 詩歌

四

溪流十里碧溶_匕苻自青_匕蓼自紅花伴鷗眠沙渚上雲移山入酒杯中一聲長蘆風生浦數着殘棋月滿空半點紅塵飛不到賞心人在水晶宮

又

山陰王 綆 長史

西崖月出倒溪流此是人間別樣秋萬古清光浮宇宙九天涼影動瀛洲水晶澄潔渾無夜簾幕檻_不掛釣欲聽霓裳羽衣曲廣寒宮殿幾時遊

銅柱秋風

周惠疇

黃金鑄就幾千年勝跡曾聞父老傳眼底千峰皆翠

地掌中一柱獨擎天影橫西海龍驚蟄光照南山鶴
不眠碧草白沙相對晚涼颼兩袖襲詩仙

又

丁 瘡

範銅作柱已多時屹向秋風振武威欲擬堅貞扶至
治不將虛美樹豐碑孤高應與天休匹鎮重當為世
表儀萬綠千紅常點綴將壇寓目更清奇

顆砂八景

照土司舊志摘錄
朝代未詳

奇峯聳碧

衡州王 相

羣峰壓盡此峰高百丈飛泉白晝號雲淨滿川鋪素

永順縣志

卷四

藝文志 詩歌

四

練春深萬水着青袍清風千古增雄峙明月無窮占
世豪潦倒何時一登眺結廬還可咏離騷

清野流雲

王 相

豐樂亭前禾黍香登臨白晝細生涼高低竹石浮青
綠遠近山巒擁翠蒼花塢春深情自適漁歌日暮醉
成狂溪山元是安邦手移得蓬萊到此方

北嶺樵歌

萬木森上石逕賒背崖茅屋兩三家丁上伐木聲相
應嘒上歌雲聽轉嘉澗外野猿啼古樹天邊孤鴈伴

殘霞負薪多少南村叟唱和歸來日已斜

東江漁父

胡應先

凭欄俯瞰大江東最愛溪邊晚釣翁
餌釣纔教登一葉藤蓑便不換三公
吳鱸出躍風濤靜楚竹燃燒蠟炬紅
我亦有釣慙太直不知亦可戀魚叢

竹橋吟眺

王相

萬箇篔簹護小橋偶來登眺興飄七
泉香一派流寒玉山色無端展翠綃
倚檻頓令消俗慮書空斷不羨時豪
沉吟幾度歸來晚戍鼓聲中月正高

永順縣志

卷四

藝文志 詩歌

四

松塢碁聲

潘棠

芙蓉削翠亂峰圍拔地虬龍競落暉
弘景坐忘風漏耳謝安對局草侵衣
細聽剝啄尋三徑笑看縱橫任一機
明月下林宜罷手前溪恐悞鶴來歸

平川霽月

王相

渺上秋空一片冰寒泉流出自澄上
亭虛篆碧光涵潤句好流觴興轉騰
莖竹覆欄清露重山松匝澗翠雲層
何時把酒頻相過淨洗塵襟坐月明

老圃寒香

胡應先

老圃天成景最奇
蒼崖壁立映天池
靈根自得神仙
種皓色其如冰玉
姿踈影晴香渾
莫敵玉堂茅舍
總相宜
獨憐冷落時光
裏惟有逋仙是
故知

永順縣志

卷四

藝文志

詩歌

四五

人物志

十室之邑必有忠信永雖僻處邊隅而千百年來
豈乏人才祇以向隸土司或因採訪不及遂至湮
沒弗彰今值開闢漸久教化日新人文蔚起當必
賢才輩出以為一邑光者前縣創備志乘將彭氏
土官之有功於國賜秩褒封者詳為之載即非土
官而行誼表著曾經詳請旌獎者亦書之以備人
物之選今亦仍其舊兼為採訪當前苟見聞可據
一善必錄以示鼓舞且維風化云志人物

永順縣志

卷四

人物志

四

彭氏勲勞

彭

城

江西吉安府吉水縣人梁開平間朝命授金
紫光祿大夫檢校司徒溪州刺史為永順司
宋熙寧中有布衣張翹土書陳北江利害朝

彭師宴

議以章惇為湖北提刑經制蠻事師宴會惇
以事上聞詔褒之遂築下溪州城賜多會溪授師

宴禮賓副使

彭思萬

元世祖至元十六年內附朝見賜宣命印章
授武德將軍

彭天寶

洪武三年賜誥命陞永順軍民宣撫使司宣
撫使進階宣武將軍六年改陞宣慰使司宣
慰使頒給印信十二年總兵楊仲銘調征大小鉛

福斬獲天黃地黃等級並生擒解驗捷聞奉勅獎

彭

仲

永樂十八年總兵官蕭綬奉勅調征岩頭等
處十二年征算子苗寇宣德七年同子世

雄征大小荷蓬等數役斬首獲俘所向克捷奏報
奉勅屢加獎勞

彭世雄字人望仲之子先從父兩征荷蓬嶺算奏捷
泰六年正統十四年奉勅調隨靖遠伯征討清浪景

東苗凡三役皆奏奇功奉勅褒獎
天順二年征貴州

彭顯英世雄孫父瑄早故天順六年奉勅調征桂陽
勅調征大藤峽徭賊二年勅征襄陽流民三年奉

討貴州山都掌并四川大垣寇賊四年勅征四川
西袋賊十一年又討平九甫二塘叛賊十三年屢

以戰功奏捷降勅進階懷遠將軍十三年進階昭
勇將軍十四年調征永寧州賊奏捷奉勅獎賞

彭世麟字天祥弘治五年奉勅調征施州銀山嶺叛
賊勅獲俘級解官六年調征貴州都清地方

叛賊九年進階昭勇將軍十四年自願奮身征武
岡苗寇降勅褒獎十七年調征廣西思恩府逆賊

永順縣志

卷四

人物志

四

岑濬俘獲賊首奉勅獎諭正德元年兩廣御史以
世麒討賊前功奏請進階昭毅將軍賜飛魚服色

尋降勅調征陝西漢中府四川僭號刮地王俘獲
解驗七年朝廷營建自備金採買合式大木奏獻

調征榔桂苗叛克獲延溪大王解驗十三年以解
木功并屢獲俘功蹟奉勅加陞湖南都司都指揮

使賜大紅蟒衣三襲隨因榔桂勞蹟奉勅進龍虎
將軍上護軍正一品服色誥命榔桂耆民奏公號

令嚴明民不知擾賜建坊上刻玉音勅賜并表勞
二字二十餘年奇功茂蹟人皆瞻仰焉

彭明輔號德軒世麒子正德七年隨父奉調征貴州
秋貴州香爐苗賊叛奉檄率兵征勦十二年奉檄

克破土堯險寨生擒苗阿傍阿浪等酋解驗十三
年奉勅加陞湖南都司都指揮使正二品進階驃

騎將軍賜大紅飛魚服三襲尋以勞懃命長子宗
漢任事以克險寨擒斬首惡准令承襲宗漢卒無

嗣令以次子宗燭任事是年廣西思恩賊叛父子

率兵進剿判賊聞風自降續奉新建伯王尚書守
仁徽父子克破牛陽塞俘獲解報後宗舜卒孫幼
奉勅明輔仍復署政率孫翼雲翼南先後屢建太
功登蒙勅諭

彭宗舜 號中軒明輔子嘉靖六年廣西思恩惡目反
奉徽征剿南寧聞歸降又征潯州斬獲賊級
解報後以屢征有功降
勅加級授照勇將軍

彭翼南 字晉卿嘉靖三十四年南樓寇亂湖州馮總
督徽令同徂征討平望驛陸涇塘等處俘賊
解驗三十五年南樓復寇奉調赴浙克捷奏報進
階昭毅將軍尋蒙趙提督胡總督題叙前功奉勅
陞雲南布政使司參政

復賜銀緞以旌總功
彭永年 字汝訓翼南子萬曆元年湖廣廣西巡撫調
餘解驗事聞禮部議奏資賜欵賞六年先有妖賊
金雲峰等遺黨楊時貢傳送大乾敬運圖一錄印

刻妖書至司永年奮然擒解辰沅各道詳報奉勅
進驃騎將軍特加正一品服色

彭元錦 號表白萬曆十五年播州叛蒙督部檄元錦
賊級解驗奏題優叙先因採獻大木助修清寧宮
工部題准加級奉勅加飛魚服色陞授湖廣都司
都指揮使進

階驃騎將軍
彭弘澍 字海若順治四年 本朝寧南大將軍恭順
高李郝黨盤踞內境弘澍簡兵衝殺霄遁十三年
大將軍阿固山額真卓經畧內院洪會題永順久
經投誠請錡給印信欵賞十四年加太保賞坐蟒
貂帽靴襪等物 欵頒順字號永順等處軍民宣
慰使司印信一

彭廷椿 號梁卿元錦胞弟元鈺子因二三房無嗣輪
應承襲先因彭允植越立廷椿父子遠避桑

永順縣志

卷四

人物志

四

植不數月允補天故州司舍把乃遠迎歸司值吳
逆叛楚盤踞荆湖及大兵臨楚偽逆厥平廷椿父
子首倡向化並申徵宣熱經歷偽劄二張偽劄三
顯及新獻雷公嘴鐵廠投誠將軍部院發給宣慰
號紙一道并給其子總兵官劄副一道密諭進剿
神龍閣取道機宜子弘海率領苗土勁兵三千自
畏饑餒根駐劄王村拒賊上海由高望抵辰州府土
閩欽頌康字號承順等處軍民宣慰印信一顆
後因朝廷營建太和殿助採大木運交辰州府
恩加十級歷任十三年急公報効竭忠宣力可謂
賢矣

彭弘海 潤達大度能撫恤苗土附近邊人多歸之外
來客旅亦加禮待一時稱為賢司官子肇槐
繼立居官醇謹送能
翰誠獻土亦賢矣哉
耆德

永順縣志

卷四

人物志

四九

彭可成

李鍾杰

張宗文

彭冲林

彭元

以上五人賦性醇樸行事端方處家孝友居鄉和
睦均足表率一方雍正八年七月內知縣李瑾具
詳稟報 撫都院 觀風院會給扁資發縣製扁
分給獎賞

孝義

王世茂

戶坪人敦樸勤儉以孝友稱康熙乙丑二月
父維順久病不愈世茂效黔麥嘗糞且焚香
割股以療父病尋愈更極承順其為人無詐無
欺和睦鄉里各保者咸稱服焉

節義

簡阿許

許維義之女夫亡年載矢志守節撫育孤子
雍正八年因土民哨聚一案將氏兄許有聞
解至中途病故後查案犯父母子姪俱令遷解置
營縣氏父維義亦在遷解之列氏具呈涕泣訴

年逾八旬身染疾病母七十八歲素櫻心氣鬱疾
一子幼不能扶侍前行氏雖女流願以身代祈鑿
氏刺心嘔血之恩衷賞准替代氏死無憾蒙本府
批簡阿許以苗疆孀婦因父母年老遷遣輒具呈
求以身代即其孝行可知節義雖與例不符亦足
維風挽俗仰即掛扁獎賞隨以節義可嘉四字旌
其門後維義亦邀恩免
遣皆氏孝心所感也

節烈

彭

氏

狗坤之妻生一子甫期年而夫亡氏年三十
歲矢志守節以紡織度日百苦不變撫子文
林成家立業今七十四歲而耳目聰明督理家政
日夕不倦

鄉賓

李鍾杰

醇謹端直好善樂施善醫以利濟為事不計
藥資無論遠地貧家有招輒往一鄉稱為善

永順縣志

卷四

人物志

辛

人雍正六年行鄉
飲禮舉為介賓

以上悉照舊志

續增

田宇

施溶保土人家極貧敦孝養母石氏素患心
疾痛弗能忍屢欲自盡宇夫婦保護維謹每
向天禱願以身代乾隆四年二月初四日辰刻母
病復發負痛出門宇覺迅赴溪邊母已投水矣宇
即入水援救飛流急湍驟不得見逾時母忽近崖
衆救得甦宇竟溺斃妻龔氏亦欲身殉衆止之曰
盍留此身以奉翁姑乃免其父久和既獲子屍貧
不能葬鄉隣勸資助之爰勒碑以紀其事前署縣
本府經歷謝昌言損資卹賞開具事實通詳
各憲批示褒嘉給扁旌獎

魏國仕

內龍瓜保土人賦性孝友鄉黨宗族咸稱之
父先治於雍正五年正月身故國仕哀毀逾
禮明年十一月將營葬於太平山之巔鑿石挑土
日役工匠百餘人穴傍雖有古井嚴冬水涸必遠

汲大河往返登陟十餘里國仕苦之乃揮香燭於井號泣拜禱泉水忽出須臾而盈一時遠近觀者如堵經前任戎府田 勘實

梁

氏

功全保苗女嫁雞婆寨客民李奇顯乾隆六年七月二十二日隨夫入山工作奇顯為虎搏去梁氏號泣追逐奮不顧身揮刀傷虎足虎驚遁奇顯得脫梁氏負歸醫治而痊鄉里至今稱之一門雙節 王村河西人

明 鄒

氏

李道滿之妻年二十八而夫亡撫八歲孤文

氏

李道薄之妻年二十七而夫亡撫三歲孤文

永順縣志

卷四

人物志

五

選舉志

古者取士之法州舉里選論秀書升始於鄉黨而達於邦國教之以德行文之以禮樂而後興其賢者能者焉漢制有孝廉茂才等科晉魏以降置九品以品其才行隋設進士科唐宋元明皆因之雖非古法皆古意也迨我

聖朝闢門籲俊不拘資格選舉與制科並行而不悖取士之道於以大備永順雖新闢之區而漢土子弟讀書應試無殊內地今文武庠生國學孝廉暨候選從

永順縣志

卷四

選舉志

九品未入流等官皆有其人他日出身加民為

國家宣猷布化以為茲邑光

伯麟

甚有厚望焉志選舉

府學生員

永順縣撥入者

陳永綸

張齊鑑

王國璋

李廷樹

張鼎勝

彭騰鰲

陳文燦

羅自輝

彭有德

謝

毆世文

塗世法

向京明

李必先

府學武生

永順縣撥入者

潘永清

陳舜祚

田文昇

覃子仲

張應德

魏元德

陳正緯

王啟權

縣學生員

羅國佳 彭壽 張裔茂 張榜 羅自超

符正韶 米興秀 彭文義 王文昭 陳舜典

曹謙 彭高年 羅萬象 陳于賢 宋璉

田學易 羅長魁 周祚達 朱文光 張槐

金源 田種玉 王朝宰 向鼎元 金裕世

陳廷祖 萬代興 李蓮 李宗華 許有興

朱明琢 胡玉珩 彭騰鯨 張文明 彭肇樑

縣學武生

永順縣志

卷四

選舉志

五三

楊德顯 王應文 蕭世傑 魏元萬 向昇

葉正菁 王應運 彭肇梁 王啟顯 張良謙

向國勳 陳琪 姚明超

監生

楊德聲

武舉

楊德顯

乾隆三年戊午科中式第六名

吏從九品

姚賢仕 王士表 張文達 彭啟廉 羅世琮

向恭敬 李永職

史員未入流

熊天鑑 李廷模 向其捷 黃金階 陳文炳

吳海年 張大成 王士吉 黃廷琳 向茂憲

余高儒 丁嶽重 董惟 向之文 王肱

永順縣志

卷四

選舉志

五

